ESTEVERIN (Jean), notaire de Villemur, Villemur-sur-Tarn, minutes 1634-1635, f° 184 (v°) & ss., Archives départementales de la Haute-Garonne, cote 3 E 21817, PH/JG/20150819 & PH/JCHR/9563.

De barthe testamant

Au nom de dieu soit sçaichent tous p(rese)ns et advenir que l an mil six cens trente quatre et le vingt huictiesme jo(u)r du mois de decembre apres midy a villemur diocese bas mon(taub)an et seneschaucee de tholose regnant n(ot)re souverain et tres chrestien prince louis par la grace de dieu roy de france et de navarre pardevant mov no(tai)re roial soubssigne et p(rese)ns les tesmoingz bas nommes dans la ma(is)on et habita(ti)on de anne de barthe vefve de jean reynes scise a la rue des faures a esté en personne lad(ite) de barthe, laquelle estant dans la salle de lad(ite) ma(is)on assize sur une chaise apres du feu sé treuvant ung peu indisposee de son corps toutesfois par la grace de dieu en son bon sans jugement memoire et cognoissance bien voiant, oiant et() parlant considerant qu()il n()y a rien de plus asseure que la mort et l'incertitude de l heure q(u'i)l plaira a dieu no(us) rettirer de ce monde, po(ur) estre d autant mieulx disposee a de son bon gre pure et() franche volonte non seduitte ny subornee de personne comme a dict faict et ordonne son testament nuncupatif en la forme suivante premiere(men)t a recomande son ame a dieu le suppliant luy vouloir pardonner ses peches et recevoir son ame en son paradis celeste et incontinant appres son deces lad(ite) de barthe testatrix veult son corps estre ensevely au cimetiere s(ain)t jean dud(it) villemur selon l ordre de la religion **refformee** dont elle faict proffession / a declaire lad(ite) de barthe que en faveur du mariage contracte entre jean couterie dit la fortune et jeanne reynes sa filhe elle auroit constitué a lad(ite) revnes la somme de cens ving[t] livres laquelle somme sera payee a lad(ite) de reynes en la forme portee par son contract de mariage et au moyen de cé sad(ite) fille ne pourra au(tr)e chose prethendre

.....

185

sur ses biens et heredite luy prohibant dé rien demander a ses soeurs heretieres bas nommees en aucune sorte que ce soit sy a declairé lad(ite) testatrix q(ue) led(it) couterie a faictz quelque peu de frais po(ur) fere desfricher quelque piece terre du bien qu'elle a dans le consulat de montbalen et po(ur) le satisfaire desd(its) frais lad(ite) testatrix a voulu qu() il retirast la recolte prochaine qui se fera ausd(ites) terres et encore qu() il puisse semer grains aud(ites) terres de la labeur de l'annee prochaine po(ur) y fere recolte l'annee mil six cens vingt six et cé suivant l'arreste verballe(men)t entreulx faict et au moien dé cé led(it) couterie ne pourra

rien demander desd(its) frais et en tous et ch(ac)uns les biens noms droictz vois et actions p(rese)ns et advenir lad(ite) testatrix elle a instituees de sa bouche po(ur) ses heretieres universelles et generalles marie et anne de revnes ses filles et dud(it) feu jean par esgales portions diviser ses biens et en pouvoir f(air)e appres son deces ce q(ue) bon leur semblera et cé en considera(ti)on des bons services qu()elles luy ont rendus et continuent journellement ayant emploie tout le soing que leur a este possiblé po(ur) l entretenir et po(ur) la bonne affection que lad(ite) testatrix leur porte et ainsi lad(ite) testatrix a ordonne son testament que veult que soit a effect par droit de testament codicille ou au(tr)e meilleure forme de droict et a ces() fins a casses tous les testamens et disp(ositi)ons qu'elle pourroit avoir faictz si a pries les tesmoingz par elle recogneus d estre memoratif de ceste sienne disp(ositi)on et moy d(it) no(tai)re m() a requis luy en rettenir instrumens ce qu'ay faict ez p(rese)nces dé jean bernadon guill(aum)e timbal marchans m(aîtr)e jean malbert prat(ici)en jean auriol pol bosquet anthoine philip dud(it) villemur signes et guill(aum)e roudoulousse dud(it) vill(emu)r ne scachant ny lad(ite) testatrix et moy

Malbert, p(rese)nt Bernadon

Philip, p(rese)nt Timbal, p(rese)nt

Auriol, present

Bousquet

Esteverin, not(aire)